



Број/Број: 01/а – 50 1 -15 – 73/10
Сарајево/Sarajevo, 30. март 2010. године

ДЕНИСУ БЕЋИРОВИЋУ
ПОСЛАНИКУ У ПРЕДСТАВНИЧКОМ ДОМУ
ПАРЛАМЕНТАРНЕ СКУПШТИНЕ БИХ

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 31. 3. 2010.			
Organizaciona jedinica	Klasifikaciona oznaka	Redni broj	Broj priloga

Предмет: Одговор на посланичко питање

Поштовани,

На 73. сједници Представничког дома Парламентарне скупштине БиХ, одржаној 10., марта 2010. године, Колегијуму Дома поставили сте питање следеће садржине:

„Тражим да ми се тачно наведе шта је учињено у Представничком дому Парламентарне скупштине БиХ с циљем заштите људских права држављанина БиХ Илије Јуришића, од дана његовог хапшења до данас а посебно да ми се наведе:

- колико пута је о Илији Јуришићу расправљао Представнички дом (датум одржавања сједнице, број сједнице, ко је иницијатор тачке дневног реда и какав је био резултат тих расправа?),
- колико је пута одбијен предлог да се у дневни ред уврсти расправа о кршењу људских права Илије Јуришића (датум одржавања сједнице, број сједнице, иницијатор тачке дневног реда),
- колико је посланичких питања која су везана за кршење људских права Илије Јуришића (датум сједнице, број сједнице, садржина питања, име и презиме посланика који је поставио питање и датум када је добио одговор на посланичко питање).“

Колегијум Дома Вас обавјештава да на ово питање неће припремити одговор из разлога како слиједи. Подсјећамо Вас да је Заједнички колегијум оба Дома на 18. сједници одржаној 7.7.2009. године заузео став да се на овакву врсту питања убудуће неће припремати одговори обзиром да се евиденција о траженим подацима редовно води у стручним службама Секретаријата Парламентарне скупштине БиХ и да се на лични захтјев може добити. Наглашавамо да су сви подаци које тражите путем интернета на web сајту Парламентарне скупштине БиХ доступни јавности као и посланицима Парламентарне скупштине БиХ. Обавјештавамо Вас да се на web сајту Парламентарне скупштине БиХ благовремено објављују и ажурирају следећи подаци који се односе на рад Представничког дома: записници сједница Представничког дома, дневни редови сједница, стенограми са сједница, аудио записи са сједница као и посланичка питања са достављеним одговорима на иста. Морамо нагласити да се на нашем web сајту налазе сва постављена посланичка питања а одговори само за она за која су објективно достављени, с тим да се ова евиденција благовремено ажурира. Такође, обавјештавамо Вас да је раније урађен и свим посланицима достављен Преглед посланичких питања и иницијатива на која нису достављени одговори за период од 1. до 59. сједнице Представничког дома Парламентарне скупштине БиХ-обухваћени одговори до 8.10.2010. године. Стручне службе Секретаријата припремиће нови Преглед посланичких питања и иницијатива за која нису достављени одговори за период почев од 60. сједнице закључно са посљедњом сједницом, који ће у најкраћем року, такође бити достављен посланицима.

С поштовањем,

ПРЕДСЈЕДАВАЈУЋИ
ПРЕДСТАВНИЧКОГ ДОМА
др Милорад Живковић





Broj: 07-07-14-2910/10
Sarajevo, 16.04.2010.godine

PRIMLJENO: 22.04.2010			
Organizaciona jedinica	Klasifikaciona oznaka	Redni broj	Broj priloga
01	-50-1-	15-73/10	

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
SARAJEVO

n/r predsjedavajućeg Predstavničkog doma, gosp. Milorada Živkovića

PREDMET: Odgovor na poslaničko pitanje

V e z a : Vaš akt broj 01/a-50-1-15-73/10

U prilogu dostavljamo odgovor na zastupničko pitanje gospodina Denisa Bećirovića, zastupnika Predstavničkog doma Parlamentarne skupštine Bosne i Hercegovine, postavljeno na 73. sjednici Predstavničkog doma održanoj 10.03.2010.godine.

Za pripremu odgovora Predstavnički dom Parlamentarne skupštine Bosne i Hercegovine zadužio je Ministarstvo pravde Bosne i Hercegovine.

S poštovanjem,

Dostavljeno:

- Naslovu x33
- a/a



MINISTAR

Bariša Čolak

**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM**

Denis Bećirević, zastupnik Predstavničkog doma Parlamentarne skupštine Bosne i Hercegovine, na 73.sjednici Predstavničkog doma, održanoj 10.03.2010.godine, postavio je slijedeće poslaničko pitanje

„Tražim da mi se tačno navede šta je konkretno Ministarstvo pravde u Savjetu ministara Bosne i Hercegovine učinilo s ciljem zaštite ljudskih prava državljanina Bosne i Hercegovine Ilije Jurišića od dana njegovog hapšenja do danas, a posebno da mi se navede:

- ko je i kada od predstavnika Ministarstva pravde posjetio Iliju Jurišića u zatvoru,*
- datume i efekte sastanka nadležnog ministarstva sa nadležnim sudskim, izvršnim i zakonodavnim organima Republike Srbije,*
- koliko puta je o Iliji Jurišiću raspravljalo Vijeće ministara Bosne i Hercegovine (datum i broj sjednice) i koji su konkretni efekti i zaključci tih rasprava?“*

U vezi sa navedenim pitanjem daje se slijedeći

ODGOVOR

Ministarstvo pravde Bosne i Hercegovine je odmah po saznanju za lišenje slobode Ilije Jurišića, a imajući u vidu da se krivični postupak vodi od strane Tužilaštva Bosne i Hercegovine, stupilo u kontakt sa nadležnim organima Republike Srbije u cilju izručenja gosp. Jurišića i ustupanja krivičnog gonjenja nadležnim pravosudnim organima Bosne i Hercegovine. U tom cilju Ministarstvo pravde Bosne i Hercegovine je od svih relevantnih organa i institucija zatražio hitno prikupljanje cjelokupne ekstradicijske dokumentacije, kako bi se kompletirala molba za izručenje gospodina Jurišića, odnosno ustupanje krivičnog gonjenja nadležnim organima Bosne i Hercegovine.

Predmetna molba za izručenje, u kojoj je sadržan i alternativni zahtjev za ustupanje krivičnog gonjenja, prosljeđena je Ministarstvu pravde Republike Srbije, dana 04.07.2007.godine.

Po otpremanju ove molbe, Ministarstvo pravde Bosne i Hercegovine je preuzimalo sve aktivnosti u skladu sa međunarodnim ugovorima i konvencijama koje obavezuju obje države, radi udovoljavanja zahtjevima iz podnesene molbe.

U Beogradu je dana 21.08.2007.godine održan sastanak ministara pravde Bosne i Hercegovine i Republike Srbije, na kojem je ministar pravde Bosne i Hercegovine iznio i obrazložio svoje stavove u vezi opravdanosti molbe za izručenje, te se osobno založio da zamoljena strana istoj udovolji.

Dana 07.09.2007.godine, ministar pravde Bosne i Hercegovine uputio je i protestno pismo – Notu Ministarstvu pravde Republike Srbije, kojom je zatražio razjašnjenje ovog slučaja i naveo valjane razloge zbog kojih smatra da je molba za izručenje gospodina Jurišića osnovana, te zamolio povratnu informaciju u vezi sa ovim predmetom. Posebno je ukazao na kršenje Europske konvencije o pravnoj pomoći u krivičnim stvarima, kao i Bilateralnog sporazuma od strane Okružnog suda u Beogradu, na način da su pozivani svjedoci iz Bosne i Hercegovine lično i uz prijetnju kažnjavanja u slučaju neodazivanja poziva.

Od tada se odvijalo niz značajnijih aktivnosti vezanih za slučaj Jurišić. Okružni sud u Beogradu – Vijeće za ratne zločine je u više navrata, putem Ministarstva pravde Bosne i Hercegovine, tražilo od nadležnih organa Bosne i Hercegovine saslušanje određenih svjedoka vezanih za ovaj slučaj, te je svaki put u dopisima Ministarstvu pravde Republike Srbije ukazano na obveze po pitanju podnesene molbe za izručenje gospodina Jurišića.

Među mnogobrojnim aktima upućenim Ministarstvu pravde Republike Srbije, a vezano za ovaj slučaj, posebno treba istaći akte Ministarstva pravde Bosne i Hercegovine – urgenciju od 31.07.2007.godine i 23.10.2007.godine, kojim je Ministarstvu pravde Republike Srbije ponovno ukazano na obveze preuzete međunarodnim ugovorima. Istovremeno se navedenim aktima urgiralo postupanje i dostavljanje odgovora po navedenoj molbi. Uz akte su davane i pismene elaboracije o opravdanosti naše molbe i iste nisu osporene od druge strane.

Dana 12.11.2007.godine, ministru pravde Republike Srbije ponovno je, putem Ministarstva inozemnih poslova Bosne i Hercegovine, upućena Nota, u kojoj je ministar pravde Bosne i Hercegovine još jednom podsjetio vlasti Republike Srbije na obvezu izvršavanja međunarodnih ugovora.

Ministarstvo pravde Bosne i Hercegovine je u toku 2008.godine nastavilo sa preduzimanjem aktivnosti u skladu sa međunarodnim ugovorima i konvencijama čiji je član Bosna i Hercegovina, a u cilju razrješenja slučaja Jurišić Ilija, odnosno nastojanja da se krivični postupak koji se protiv imenovanog vodi u Republici Srbiji ustupi pravosudnim organima Bosne i Hercegovine.

U okviru svih poduzetih aktivnosti, a u cilju razjašnjenja spornog pitanja, delegacija Parlamentarne skupštine Bosne i Hercegovine je, na vlastiti zahtjev, 17.januara 2008.godine posjetila gosp.Jurišića u Okružnom zatvoru u Beogradu. Članovi delegacije iskoristili su priliku da se sastanu i sa ministrom rada i socijalne politike u Vladi Republike Srbije, te predstavnicima pet odbora Narodne skupštine Republike Srbije, kako bi razgovarali o predmetnom slučaju, kao i pitanju poboljšanja odnosa između Bosne i Hercegovine i Republike Srbije.

Dana 18.01.2008.godine, Ministarstvo pravde Bosne i Hercegovine je Ministarstvu pravde Republike Srbije proslijedilo zamolnicu Tužilaštva Bosne i Hercegovine za ustupanje krivičnog gonjenja gosp. Jurišića pravosudnim organima Bosne i Hercegovine.

Od Ministarstva pravde Republike Srbije je 30.05.2008.godine, zaprimljen odgovor Okružnog suda u Beogradu – Vijeća za ratne zločine od 27.03.2008.godine, a kojim isto obavještava ovo Ministarstvo da nisu ispunjeni uslovi za ustupanje krivičnog gonjenja Ilije Jurišića Bosni i Hercegovini.

Dana 13.02.2008.godine, Ministarstvo pravde Bosne i Hercegovine uputilo je Ministarstvu pravde Republike Srbije molbu za pokretanje konzultativne procedure u svrhu dogovora zainteresiranih strana za rješavanje spornog pitanja i donošenja zajedničke odluke o tome koja država će nastaviti vođenje krivičnog postupka.

Od Ministarstva pravde Republike Srbije je 13.05.2008.godine zaprimljen akt od 30.04.2008.godine kojim je odbijena molba Ministarstva pravde Bosne i Hercegovine od 13.02.2008.godine i potvrđen stav Okružnog suda u Beogradu – Vijeća za ratne zločine da nisu ispunjeni uslovi za prijenos postupka.

Nakon što su od Ministarstva pravde Republike Srbije zaprimljeni negativni odgovori po molbi za ekstradiciju navedenog lica, kao i po molbi za ustupanje krivičnog gonjenja nadležnim organima Bosne i Hercegovine, dana 01.07.2008.godine Ministarstvo pravde Bosne i Hercegovine se obratilo Ministarstvu pravde Republike Srbije sa molbom za izjašnjenje pravosudnih organa Republike Srbije da li bi imenovanom bilo omogućeno da se brani sa slobode u slučaju da nadležni pravosudni organi u Bosni i Hercegovini daju garanciju da će Ilija Jurišić biti u svakom trenutku dostupan pravosudnim organima Republike Srbije.

Od Ministarstva pravde Republike Srbije dana 26.08.2008.godine, obaviješteni smo da je ova zamolnica – upit samo proslijeđena Okružnom sudu u Beogradu – Vijeću za ratne zločine, odgovor na navedenu zamolnicu i pored više naših urgencija nije nam stigao.

Dana 23.06.2008.godine, Ministarstvo pravde Bosne i Hercegovine je obavijestilo Vijeće Europe – Europski komitet za krivične probleme (CDPC) o problemima između Bosne i Hercegovine i Republike Srbije u provođenju Europske konvencije o prenošenju postupaka u krivičnim stvarima i predložilo razrješenje istih u predmetu Ilija Jurišić.

U povodu tog prijedloga Ministarstvo pravde Bosne i Hercegovine je 04.09.2008.godine, zaprimilo prijedlog predsjedavajućeg Europskog komiteta za krivične probleme (CDPC) za održavanje sastanka predstavnika Bosne i Hercegovine i Republike Srbije u svrhu „prijateljskog rješenja problema“ u skladu sa odredbama Europske konvencije o prenošenju postupaka u krivičnim stvarima.

Predsjedavajući CDPC-a je predložio termin održavanja sastanka predstavnika Bosne i Hercegovine i Republike Srbije za 23.10.2008.godine u Strazbourgu.

Sa naše strane je prihvaćen predloženi termin i određeno da Bosnu i Hercegovinu na ovom sastanku zastupa predstavnik Ministarstva pravde Bosne i Hercegovine, koji je upućen u postupak pružanja međunarodne pravne pomoći i predstavnik Tužilaštva Bosne i Hercegovine, koje vodi predmetni postupak.

Do navedenog sastanka nije došlo zbog toga što su predstavnici Republike Srbije odbili da prisustvuju istom.

Bez prisustva predstavnika Republike Srbije problem se nije mogao riješiti, niti je Europski komitet za krivične probleme (CDPC) poduzimao dalje radnje za razrješenje ovog slučaja, obzirom da on u skladu sa odredbama Europske konvencije o prenošenju postupaka u krivičnim stvarima nema mogućnost nametanja rješenja, već samo postupa u cilju iznalaženja prijateljskog rješenja problema.

Dana 19.03.2009.godine, obaviješteni smo od Ministarstva vanjskih poslova Bosne i Hercegovine da je 14.03.2009.godine gospođa Amira Arifović-Harms otpravnica poslova Ambasade Bosne i Hercegovine u Beogradu održala sastanak u vezi slučaja Ilije Jurišića sa Vladimirom Vukčevićem, glavnim tužiocem za ratne zločine Republike Srbije i Milanom Petrovićem, zamjenikom glavnog tužioca, koji je direktno zadužen za sve predmete koji se tiče Bosne i Hercegovine.

Zamjenik glavnog tužioca gospodin Petrović iznio je stav da bi suđenje Iliji Jurišiću trebalo da se okonča do kraja maja, eventualno do sredine juna 2009.godine.

U vezi s navedenim Ministarstvo pravde Bosne i Hercegovine je postupilo urgentno po svim zamolnicama u vezi ovog slučaja, tako da su putem ovog Ministarstva dostavljene mnoge izjave svjedoka, kako bi se postupak ubrzao i što prije okončao.

• Nepravomoćna presuda donesena je 28.09.2009.godine.

U vezi sa ovim predmetom i sličnim problemima koji se pojavljuju kroz pozitivne sukobe nadležnosti između dvije države je zaključen Ugovor o izmjenama i dopunama Ugovora između Bosne i Hercegovine i Srbije i Crne Gore o međusobnom izvršavanju sudskih odluka u krivičnim stvarima.

Što se tiče upita ko je i kada od predstavnika Ministarstva pravde Bosne i Hercegovine posjetio Iliju Jurišića u zatvoru, ukazujemo na činjenicu da predstavnici Ministarstva pravde Bosne i Hercegovine nemaju takvih ovlaštenja, i da jedino takvo ovlaštenje imaju diplomatsko-konzularni predstavnici.

U vezi s navedenim, posebno ističemo da se trenutno u Republici Srbiji vode krivični postupci protiv više stotina državljana Bosne i Hercegovine i da se s tim u vezi, može postaviti i pitanje koliko se pomoći pruža od strane diplomatsko-konzularnih predstavništava svim ostalim licima lišenih slobode, i to ne samo u Republici Srbiji, nego i u drugim državama.

Vezano za upit o datumima i efektima sastanaka predstavnika Ministarstva pravde Bosne i Hercegovine sva ovlaštenim predstavnicima Ministarstva pravde Republike Srbije, obavještavamo Vas da je Ministar pravde Bosne i Hercegovine osobno, kao i drugi ovlašteni predstavnici Ministarstva pravde Bosne i Hercegovine u više navrata neposredno razgovarali sa predstavnicima Ministarstva pravde Republike Srbije u vezi slučaja Jurišić.

Ministar pravde Bosne i Hercegovine je u dva navrata razgovarao sa ministricom Republike Srbije u vezi slučaja Jurišić i to 22.08.2007.godine i 29.06.2009.godine.

Također u okviru pregovora koji su vođeni između delegacija Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o pravnoj pomoći u krivičnim i građanskim stvarima, a koji su održani 26.09.2007, 21. i 22.05.2009; 15. i 16.07.2009. godine i 20.11.2009. godine, jedna od tema za razgovore je bila i slučaj Ilija Jurišić.

Republika Srbija odbija da ustupi krivično gonjenje Ilije Jurišića pravosudnim organima u Bosni i Hercegovini, a nadležni organi u Bosni i Hercegovini nisu u mogućnosti da bilo šta dalje preduzmu iz razloga što se Ilija Jurišić nalazi u jurisdikciji pravosudnih organa Republike Srbije.

U pogledu Vašeg upita koliko je puta Vijeće ministara raspravljalo o Iliji Jurišiću i koji su konkretni efekti i zaključci tih rasprava, obavještavamo vas da Vijeće ministara Bosne i Hercegovine nije raspravljalo o slučaju gospodina Ilije Jurišića, a rješavanje ovog pitanja je, u skladu s Ugovorom između Bosne i Hercegovine i Republike Srbije koji regulira ovu oblast, kao i u skladu sa Zakonom o međunarodnoj pravnoj pomoći u krivičnim stvarima, u isključivoj nadležnosti Ministarstva pravde Bosne i Hercegovine.